

VENDIM
Nr. 57, datë 5.12.2016

PËR SHPALLJEN E THIRRJES PËR PROJEKTIDE, GRANTI 1, “SHQIPËRIA DIXHITALE”, PROGRAMI “SHQIPËRIA DIXHITALE”, SHTYLLA III

Në mbështetje të nenit 100 të Kushtetutës dhe të nenit 15, të aneksit 3, të ligjit nr. 147/2015, “Për buxhetin e vitit 2016”, Komiteti për Zhvillimin e Rajoneve

VENDOSI:

1. Shpalljen e kërkesës për dërgim projektidesh, granti “Shqipëria dixhitale” programi “Shqipëria dixhitale”, shtylla III, për t’u konsideruar në kuadrin e hartimit të drejtimeve për thirrje dhe programit operacional 2017.

2. Dërgimi i projektideve bëhet nga njësitë e qeverisjes vendore, si dhe nga Agjencia Kombëtare për Zhvillimin Rajonal, agjencitë për zhvillimin rajonal nr. 1, nr. 2, nr. 3 dhe nr. 4, dhe nga Agjencia për Zhvillimin Ekonomik Rajonal, me marrëveshje partneriteti, të lidhur midis agjencisë dhe dy ose më shumë njësive të qeverisjes vendore, sipas afatit të përcaktuar në formatin e shtojcës I, bashkëlidhur këtij vendimi.

3. Ngarkohet ministri i Shtetit për Inovacionin dhe Administratën Publike për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Niko Peleshi

Zëvendëskryeministri	Zëvendëskryetar;
Ministri i Financave	anëtar;
Ministri i Zhvillimit Ekonomik, Turizmit,	
Tregtisë dhe Sipërmarrjes	anëtar
Ministri i Zhvillimit Urban	anëtar;
Ministri i Transportit dhe Infrastrukturës	anëtar;
Ministri i Arsimit dhe Sportit	anëtar;
Ministri i Bujqësisë, Zhvillimit Rural dhe	
Administrimit të Ujërave	anëtar;
Ministri i Shëndetësisë	anëtar;
Ministri i Kulturës	anëtar;
Ministri i Mjedisit	anëtar;
Ministri i Punëve të Brendshme	anëtar;
Ministri i Shtetit për Inovacionin	
dhe Administratën Publike	anëtar;
Ministri i Shtetit për Çështjet Vendore	anëtar;
Kryetari i Shoqatës së Qarqeve të Shqipërisë	anëtar;
Kryetari i Shoqatës së Bashkive të Shqipërisë /	
Përfaqësuesi i Bordit të Agjencisë për Zhvillim Rajonal nr.1	anëtar;
Kryetari i Shoqatës për Autonomi Vendore /	
Përfaqësuesi i Bordit të Agjencisë për Zhvillim Rajonal nr.2	anëtar;
Përfaqësuesi i Bordit të Agjencisë për Zhvillim Rajonal nr.3	anëtar;
Përfaqësuesi i Bordit të Agjencisë për Zhvillim Rajonal nr.4	anëtar.

Shtojcë I: FORMATI I PROPOZIMIT PËR PROJEKTIDE

Propozuesi (*)	Të vendoset emri i institucionit aplikues
Data e propozimit (*)	
Titulli i projekt idesë (*)	
Personi përgjegjës për projektin	Emri dhe mbiemri, funksioni, numri i telefonit, numri i celularit, adresa email, adresa ëeb.
Lloji/sektori i projekt idesë (*)	Granti "Shqipëria dixhitale, Programi "Shqipëria dixhitale", shtylla III
Koha e realizimit të projekt idesë (*)	
Cila është nevoja për këtë projektidesë (*)	Jepni një përshkrim të shkurtër të situatës ekzistuese dhe shtysat kryesore për këtë projektide, për shembull problemin që ju duhet të zgjidhni apo rrethanat që ju detyrojnë për të realizuar produktin e këtij projekti. Nevojat kryesore që shtynë përpara këtë projekt mund të kenë natyrë 'strategjike' ose 'operacionale', shembuj tipike janë: ▪ Nuk arrihen nivelet e kërkuar të shërbimit ▪ Rritje e kostove operacionale ▪ Ndryshimi në kërkesat e funksioneve apo detyrave ▪ Ndryshimet në legjislacion / rregulloret ▪ Ndryshime si pasojë e një programi të qeverisë / shërbime të reja ose të zgjeruara ▪ Infrastruktura e qytetit, konektiviteti Duhet të përshkruani situatën aktuale dhe, kur është e mundur, disa tregues të qartë të niveleve të performancës aktuale (p.sh., numri i aplikimeve të përpunuara në ditë, numri i kërkesave që ju përgjigjeni, infrastruktura për menaxhimin e të cilës propozohet zgjidhja modernizuese, etj), për të siguruar si fillim një bazë për matjen e përmirësimeve në të ardhmen.
Qëllimi dhe objektivat (*)	Tregoni se çfarë ka për qëllim të përmbushë ky projekt. ▪ Cilat janë rezultatet apo përfitimet e pritura? Cilat janë rezultatet e pritura në fund të projektit? Objektivat duhet të jenë specifike, të arritshme, të rëndësishme dhe të orientuara mirë në kohë. ▪ Objektivat e specifikuar këtu do të formojnë bazën e vlerësimit të suksesit të përgjithshëm të projektit.
Grupet e interesit dhe numri i përfituesve (*)	Listoni të gjitha grupet kryesore të palëve të interesuara të cilat mund të preken nga projekti. Këtu përfshin grupe të tilla si: Institucioni/Bashkia (p.sh., stafi front-line, back-office, menaxhimi, etj) ▪ Pjesë të pushtetit vendor apo ndërlidhja me organizata të pushtetit qendror ▪ Qytetarët ▪ Bizneset ▪ Organizatat joqeveritare dhe grupe të veçanta të interesit ▪ Partnerët e sektorit
Zgjidhja që propozohet (*)	<u>Fushëveprimi i zgjidhjes së propozuar</u> Duhet të siguroheni që të ketë një përshkrim të përgjithshëm të asaj që projekti do të ofrojë, duke përfshirë (por jo i kufizuar) si më poshtë: ▪ Cilat funksione, procese, programe, shërbime, infrastruktura dhe sisteme informacioni, etj. përfshin projekti. ▪ Cilat procese do të rimodelohen, rregullohen ndryshe ose ndryshohen. ▪ Burime dhe palë të tjera të cilat do të përfshihen në punën për këtë projekt (objekte të veçanta, ndërfaqe, ministritë/institucionet, pushteti vendor apo grupe të tjera të përfshira). ▪ Jepni arsye të qartë për zgjedhjen që keni bërë duke rekomanduar këtë

	zgjidhje inovative dhe potencial modernizues dhe vecanti të idesë. ▪ Përshkruani ndonjë nga praktikat më të mira apo kërkime të tjera që keni kryer në mbështetje të zgjidhjes së propozuar. <u>Teknologjia:</u> Identifikoni dhe përshkruani implikimet teknike që lidhen me zgjidhjen e propozuar. ▪ Është prezent apo do të ndërtohet ndonjë sistem i ri? ▪ Do të zëvendësojë ndonjë nga sistemet ekzistuese? Nëse po, kur? ▪ Do të propozojë ndryshime në ndërfaqe apo zgjidhje teknike për lidhjen me sistemet e tjera?
Risqet dhe qëndrueshmëria e projektit (*)	Të përshkruhet në mënyrë të qartë cilat janë risqet për ekzekutimin e projektit, si dhe të përshkruhet qëndrueshmëria e projektit.
Vlerësimet për burimet, koston dhe kohën (*)	<u>Plani i punës dhe afatet kohore:</u> - Përshihni një përshkrim baze të fushave kryesore të punës, duke përmendur edhe piketa të nivelit të lartë së bashku me datat e synuara. - Afatet kohore për kur do të fillojë dhe parashikimi për fundin e projektit <u>Vlerësimi i koston:</u> Këtu përfshihen vlerësimet fillestare për angazhimet financiare (p.sh. shpenzimet e pritura për realizimin e projektit) -Burimet e informacioneve që janë marre parasysh për llogaritjen e vlerësimit paraprak të kostove. (p.sh., proceset e brendshme, ekspertë të fushave si dhe të menaxhimit, shpenzimet për testimin dhe trajnimin, menaxhimin e brendshëm të projektit, etj.) -Burimet në fushën e teknologjisë së informacionit që janë përgjegjës për të ndihmuar institucionin që të identifikojë mundësitë për të adresuar nevojat e tyre funksionale, dhe për të siguruar vlerësimin e koston së lidhur me përdorimin e teknologjisë për të informatizuar procesin (p.sh., hardware, software, nevojat për zhvillim, sistemet inovative dhe teknologjike, etj.) <u>Burimet:</u> - Vlerësimet paraprake për burimet njerëzore dhe sasia e punës së nevojshme për të përfunduar projektin. - Duhet të përfshihen të dy kategoritë e burimeve si të brendshme dhe të jashtme, dhe vëmendje t'i kushtohet burimeve për menaxhimin e projektit.
Kostoja totale e projektit (përfshirë TVSH)	
Kontributi në rast bashkëfinancimi	
Financim nga donatorë	Nëse ka financim nga donatorë
Financime të tjera	Nëse ka burime të tjera financimi
Përmbledhje e vlerësimit të ndikimit në modernizimin e shërbimeve apo përmirësimin e cilësisë së jetesës	Të paraqitet një përmbledhje e shkurtër e vlerësimit, të pritshëm, të ndikimit në modernizimin e shërbimeve , përmirësimin e cilësisë së jetesës, zgjidhje të qyteteve inteligjente etj.
Aplikimi për projek-idetë sipas pikës 2, të këtij vendimi, si më sipër, ka afat datën 10 Janar 2017.	

(*) Fushat që kanë * janë të detyrueshme për t'u plotësuar.

SHËNIM: Dërgimi i projekteve, sipas afatit, bëhet si më poshtë vijon:

- Me shkresë zyrtare (postë ose dorazi), ku formati i aplikimit dërgohet pranë sekretariatit teknik (Ministri i Inovacionit dhe Administratës Publike) ose
- *On-line* në faqen elektronike të e-albania: Shërbimi: Aplikimi *on-line* për FZHR-në
<https://e-albania.al/sherbimi.aspx?kodi=7203>